



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Missionis Anglicanæ Societatis Iesv**

**More, Henry**

**Avdomari, 1660**

Domus Probationis Anglicana Louauanij. n 8.

**urn:nbn:de:hbz:466:1-38320**

stius in illud Psalmi si memor fui tui super stratum meum pulcherrime animaduertit, "Qui quando ociosus est non cogitat Deum, in actionibus suis Deum cogitare non potest; Qui autem memor eius est quando quietus est, in ipso meditatur cum agit ne in actionibus suis deficiat) Qua etiam de re extant iam nonnulla monita nostra in libro de renouando spiritu, quem apud vos esse spero, & non raro a vobis lexitari. Quod si istiusmodi librorum piorum qui ad fouendum Nostrorum spiritum idonei iudicantur copia apud vos non fuerit, curabit Superior ut ex vicinis Societatis Collegijs, Audomaro-politano, Duaceno, alijsque subministrantur, ut vnumquisque saltem nostrorum Patrum vnum habeat, vna cum summa Constitutionum & Regularum.

1607.

Ad extremum hortor vos Patres fratresque in Domino carissimos, ut magno exceloque animo sitis in hoc Dei agone sustinendo. Spectaculum facti estis Deo, Angelis, & hominibus: Proinde quod Apostolus ad homines vestri similes, & in non dissimili temporum conditione constitutos scripsit, *Sobrii estote, & vigilate, quia aduersarius vester diabolus, tanquam leo rugiens circuit, querens quem devoret, cui resistite fortes in fide,* humiles in Ipc, ferti in Caritate, ac diligentes in vestri custodia. Christus Dominus potentior omnibus ipse vicit mundum & diabolum, jubetque nos confidere. Ille vos custodiat semper. Reliqua Praefectus Missionis pro data occasione ad vos prescribet; cui etiam quisque vestrum laepius pro negotiorum opportunitate, vel animi sui solatio scribere poterit, quae & ipse Nobiscum quoad opus fuerit conferat. Nobis vero ab unoquoque vestrum si commoditas sine periculo daretur, perigratum esset semel saltem quoq; anno literarum aliquid accipere: Verum si illud fieri non potest Superior Consulto relque pro reliquis suppleant; Et quia Nos etiam frequenter hoc literarum officium ob eisdem causas praestare nequibimus, huius Epistole exemplum unicuique nostrum dari potest, ut accurata eius lectio, & obseruatio consolacionem vberem & fructum copiosum afferat multorum meritotum. Dominus Iesus sua diuina gratia vos omnes protegat, ac tueatur. Romæ nono Ianuarij Anno. 1607.

Vester amantisimus in Christo frater

Claudius Aquauia:

VIII. Id autem quod Iohannes Chrysostomus in Sancto Ioseph Virginis sponso obseruavit, tum de aduersis tum de prosperis iustorum vitam admirabili varietate contexi, id nostra haec Missio experimento didicit, cum inter anni sexcentesimi Iexti turbulentissimas tempestates quibus nostræ Societatis homines eique adhaerentes præcipue iactati sunt, surrexit in Belgio domus Probationis, in qua & numero, & virtutum solidarum exercitio augerentur operæ, & in Mellem copiosiorem multiplicati redderentur. Louanij in Brabantia habitauerant Equites Melitenses loco ad pietatem atque ad voluptatem facto; nam in colle vniuersam Ciuitatem despectante præter ampla aedificia Templum erat inter ceteros Cœli Sanctos Magno Gregorio Anglorum Apostolo Sacrum; In plano hortus in muro circumscriptus, in declivi, area ambulationibus

Domus  
Probatio-  
nis Angli-  
cana Lo-  
uanij.

Y y 2

ambulationibus

bulationibus concinnandis commoda , in quas per graduum interiualla distin-  
ctas, perque vites ordine positas cūm descendisles, libero fruebaris cælo , sive  
laxandus in aprico eslet animus, sive ad superna nullo interpellante erigendus;  
nam intra urbem propè extra urbem ad maria posito nihil in aures nihil in  
oculos incurrebat quod à sanctis cogitationibus sermonibusque intentam  
mentem posset auertere. Eo loci Personius prohibitus W atenis, primam no-  
uæ militæ stationem elegit missioque à Claudio Generale Româ Thoma Tal-  
botto qui Tyrone ad Societatis mores instrueret, fœlix dedit initium operi,  
sustentando partim prouentibus qui ex W atenensi Præpositura superesse po-  
terant alendis in loco Patribus , partim liberali donatione quam fecerat Il-  
lustriſſima virgo domina Aloysia de Carauajal quam superius memoraui.  
mus.

Thomæ  
Garnetti  
martyriū.

In prosperis etiam numeratum est, quod Thomas Garnettus, ( Hen-  
rici nuper è viuis sublati affinis ) qui adolescentis septendecim annorum  
inter primos in Audomarense Seminarium recens erectum cooptatus fue-  
rat, huius etiam domus primitias fusō Dei causa sanguine consecrari. Hu-  
ius Parens Richardus Garnet, Oxoniensis Academiæ in hæc sim delap-  
ſe pertulit, cogitatione se conuerterat ad iter transmarinum , quò Theo-  
logicis disciplinis imbutus ad sacros Ordines suscipiendos disponeretur.  
Nectentem moras amor præoccupat & honesto implicat matrimonio;  
Quam mutationem ut ratione aliquâ piâ compensaret , primum quem  
habiturus eslet filium Deo consecrari & Thomæ Cantuariensi Martyri: Cuius  
nomen cum edito indidisset, in literis tum domi tum foris tradidit instituen-  
dum , ut nè quid ex sua parte deesset quo minus quod voverat completeretur.  
Thomas ad pietatem haud segnior quam Parentes , & in Theologicis exerce-  
tatuſ suscepto Sacerdotio reuertit in Angliam & sex annos in sat diuite messe  
poluit, fedulò connitens ut solidæ pietatis sensum virtutemque robustam in  
eos quibuscum agebat infunderet. Inter quæ deprehensa exitiosa pulueris co-  
iuratione, & noua iurisplandi formâ inuenta, cùm animaduerteret Societatis  
homines Pontificiæ potestatis præcipios esse assertores, atque in illos inprimis  
eorumque sectatores, quantumvis innocentes , omnem inuidiam detorqueri,  
eo ardenteri oportabat ipse his adiungi quo pessimum quemque videbat ab eo  
rum consuetudine & vsu abhorrire. Et quanquam iam inde ab anno sexente-  
simō tertio fuerat ab Henrico Garnetto Sociorum numero adscriptus, voto-  
rum tamen copia facta non est varijs euentis præpedito. Tum cùm in suspi-  
ciosissimo illo detectæ conspirationis turbine proclue eslet ignoto cuique  
præberi molestiam, iter facienti iniecta sunt manus ; & licet præter volun-  
tariam comprehendentium suspicionem nulla eslet cauſa criminandi, primum  
in Portam domus datus est custodiendus, tum ad Arcem translatus, vbi cùm  
varijs examinibus exagitato nihil exprimi posset quod ei noceret, Salisburius  
extento indice iurans " efficiam, inquit, ut omnem tuam pruditionem fatea-  
ris, vel ab extremis tuis digitis illam exprimam.) dedit ea vox Thomæ anfam

ad